

Kyrkje blad

FOR GLOPPEN PRESTEGJELD
NR. 1 - FEBRUAR 2001
31. ÅRGANG



Jesus har omsorg og tid

Salme 139, 1.-6.

Herre, du ransaker meg og kjenner meg. Anten eg sit eller står så veit du det, langt bortanfrå merkar du mine tankar. Anten eg går eller ligg, så ser du det, du kjenner alle mine vegar. Ja, før eg har eit ord på tunga, veit du det, Herre, fullt og heilt. Du kringset meg på alle sider, du har lagt di hand på meg. Det er for underfullt til å skjøne, det er så høgt at eg ikkje kan fatta det.

Eg har mange gongar hørt at Jesus er overvakingspoliti og går og seier fy, fy når vi gjer noko gale. Eg trur ikkje det er slik, for eg trur at når Jesus møter oss, så gjer han det med omsorg og kjærleik.

Han ransaker hjartene våre og kjenner oss, han veit til ei kvar tid kva eg og du syslar med, og han ynskjer å vere der saman med oss. Ja, uansett kva vi gjer på, har han lova å vere der.

Eg tykkjer der er rett og slett ein skikkeleg trygghet at vi har den lovnaden at han er over, under, foran og bak og omsluttar meg og deg med si omsorg. Om vi er heime, på

arbeid, på skulen, på trening, eller uansett kva vi gjer på så stiller han opp for oss alltid.

Eg føler på ingen måte at dette er eit forsøk på å vere overvakingspoliti, eller gå etter oss og seie fy, fy når vi stig feil. Nei, då er han der og med sine armar og tek imot oss med tilgjeving og kjærleik. Så er det ynskjet hans å gå vegn ilag med oss, samtidig kan vi og vite at han har gått vegn foran oss, så skal eg og du få vere tenarar som går i ferdiglagte gjerningar, dag etter dag er han der og leier oss med si sterke og stødige hand.

Så har vi forskjellige tenester, nokon er tilsettet til å arbeide i Guds rike, andre står på frivilleg år etter år, vi har fått tildelt mange forskjellige evner og vi har svake og sterke sider, men Gud har bruk for oss alle, og vi har alle kall til teneste, enten vi er unge eller eldre. Uansett kan Gud bruke oss til noko, og så opplever eg det både sterkt, trygt og godt å få vere med i arbeidet i Herrens vingard.

Ein salme som eg er svært glad i, og som er ein ekstra



trygghet i kvardagen, Salmar 97, nr 71:

**Tett ved sida mi
går Jesus**

Omkvede:

Tett ved sida mi går Jesus,
alltid vil han vera der.
Eg treng ikkje gå og ottast,
når eg fylger Jesus her.

Han på vegn vil meg vakta,
så eg ikkje går meg vill.
Å, kor godt det er for barnet,
å få høyra Jesus til.

Omkvede

Han som er den gode hyrding,
tek mi vesle, veike hand.
Dag for dag han trufast leier
meg til himlens lyse land.

Omkvede

Tett ved sida mi går Jesus
å kor eg er sæl og fri
som kan jubla ut i lovsong.
Eg eg hans til evig tid.

Omkvede

Helge Hafsfås

Adolfs kråke flyr

Det er ei kjend sanning at vi ikkje kan hindre ein fugl i å flygga over hovudet vårt, men vi kan hindre han i å bygge reir i håret.

Rasistiske tankar kan flakse gjennom hovudet, men med vilje og fornuft kan vi hindre dei i å slå seg ned der. Men det er rikeleg tilgong på reirmateriale for Adolfs kråke i dag.

Spørsmål om kva som blir lett og gale har vorte eit spørsmål om å vere smart og dum. Blir du teken, er du dum, og då er det gale. Blir du ikkje teken, er du smart og då er det OK.

Adolfs kråke finn ein tråd i denne ideologien til sitt reir. Vi ser i TV-ruta at alt kan det fleipa med, og lærer at anna enn økonomiske verdiar fins det ikkje. Seriemoro og drittsekke-TV underheld oss ikkje til døde, men til likesæle, dumskap og forakt for taparen og dei svake.

I parabolantenna finn Adolfs kråke pikant og lett bedriva menneske-forakt og vald som ho tek med til reiret sitt. Vi ser at forskjellane i samfunnet vårt aukar. 60 milliardærar og 125.000 millionærar skal Noreg ha, samtidig med at $\frac{1}{4}$ million lever i fattigdom, og av dei er 70.000 born. Noreg er oljefeitt og styrtrikt og likevel er det offentleg fattigdom og gjerrig sparing.

Gode som vi har hatt råd til, har samfunnet no ikkje råd til lengre. Skular og barnehagar vert nedlagde. Kulturtilbod vert kutta og avgifter aukar, Helse-Noreg vert sett på livstruande sveltekur. I denne kvisthaugen av nedleggjing, spinking og sparing finn også Adolfs kråke byggjemateiale. Og med misunning i nebbene flaksar ho til reiret sitt.

I argumentasjonen for hard og nådelaus utvisning av asylsökjarar, hentar ho rusk til reiret. Men i nebben kan ho også ha noko som glitrar som sjølv.

«Det er typisk norsk å vere god,» sa ein statsminister. Og med glede får vi synge nasjonalsongen «Ja, vi elsker dette landet». Men når det nasjonale ikkje lenger berre er vekstgrunnlaget vi med glede vedkjenner oss, men sjølvé målet, så kan også Adolfs kråke snappe frå arvesølvet til reiret.

Det kan virke som di meir Ola Nordmann drikk, jo større racist vert han. Men ein avhaldsmann er nok ikkje meir tolerant enn andre inst inne.

Adolfs kråke skvaldrar. Ho kan flakse over hovudet vårt om vi har grå permanentkrus eller er skin-

head. Historia har vist at der ho får bygge reir, vert det død og elende.

Noreg står i dag moralsk sett svakare rusta enn Tyskland gjorde før Hitler. Kvar og ein av oss får hindre Adolfs kråke i å bygge reir hos oss. Det hadde også vore ein fordel om noko av reirmaterialet vart borte.

Vi har strenge lover mot vald og rasisme. Dersom dei vart handheva, ville det vere vanskeleg for Adolfs kråke å finne fotfeste.

Eit lovforbod for Adolfs kråker til å skravle, bør vi unngå. Rasismen kan vi umogeleggjere ikkje med lover, men med kunnskap. Det er utfordringa. Kva om skulen kunne arrangere ein tur til Auschwitz både for elevar og lærarar? Det kunne vere eit lite steg i rett retning for å hindre at nokon igjen må betale blodpris for andre si dumheit.

O.S.G.



Korleis er det å arbeide som lege i den tredje verda?

Det er Kyrkjebladet som utfordrar meg med dette nokså uventa spørsmålet. Og spørsmålet kjem på tamten av eit nokså langt yrkesliv, der eg mellom anna var den første turnuskandidat i Gloppe i 1960.

Av Jakob Havnen

I 1965, då eg var midt i spesialistutdanninga for å bli barnelege, fekk eg spørsmål om å ta over som overlege for eit heilt nytt Barnesjukehus i Seoul, Korea, bygd spesielt for dei store flokkar av fattige og foreldrelause born etter den brutale Koreakrigen. Stadig kom det nye straumarar av born til dei mange barneheimane, mange av dei hadde alvorlege, kroniske sjukdomar.

Det var ein skrikande mangel på alt-mat, klær, husvære og omsorg og utdanning. Barneheimane var ofte svært skrøpelege, ofte leida av folk med liten sans for borns behov, men heldigvis var det også mange som arbeidde hardt for å betra tilhøva. Det var den amerikanske hjelpeorganisasjonen World Vision som bygde dette sjukehuset for barneheimsbarna og som bad den Norske Misjonsallianse å dra sjukehuset. Misjonsalliansen kjende eg ikkje, men eg sa ja til denne kjempeoppgåva og drog ut med familien våren 1965 for ein periode som vart på tre år.

Fagleg sett kunne vel ingen ung barnelege knapt drøyma om ei større utfordring. Her var alle slags sjukdomar, kjende og ukjende. Tuberkulose som i

Norge først og fremst var ein lungesjukdom, fanst her i alle organ, og sjukdomar som florerte i Norge for hundre år sidan, var vanlege. Det som var heilt spesielt med denne jobben var at det på dette tidspunktet var komne fleire sjukhus i Seoul som kunne yta avansert hjelp. Det skandinaviske undervisningssjukehuset bygd for etterutdanning av koreanske legar, det amerikanske militærsjukehuset med spesialistar av alle slag, og koreanske universitets-sjukehus. Dermed fekk eg den spennande oppgåva å ta med meg våre svært spesielle pasientar til andre sjukhus for behandling på høgt spesialistnivå, f. eks. hjarteoperasjonar eller hornhinne-transplantasjonar. Men mesteparten av arbeidet var naturlegvis konsentrert om å berge livet til barn med svær underernæring, diaré, lungebetennelse, tuberkulose o.s.v. Ofte kunne det ta lang tid før dei kunne utskrivast frå dette sjukehuset, som hadde 80 senger og 80 koreanske medarbeidarar til tillegg til nokre få norske.

Arbeid i eit anna land er også ei rik og mangslungen menneskeleg erfaring, eit møte med ein famand kultur, med ein annan tenkjemåte og andre verdiar. Språket var så vanskeleg at to års språkskule vart rekna som eit minimum for å beherska det nokolunde, så det var på førehand bestemt at vi skulle bruka engelsk og arbeida via tolk. Men eg fann fort ut at det var for tungvint, og eg fekk meg privatlærar og sat ein ettermiddag i veka og prøvde å læra

meg litt. Det er i særklasse det verste min hjerne nokon gong var vore utsett for, men eg lærte så pass at eg greidde meg til dagleg, og eg lærte nok til å forstå at språket er sjølv nøkkelen til å forstå eit folk og ein kultur. Det opnar ei ny verdi inn til folkets verdiar og tenkjemåte, og gjer det mykje meir spennande og rikare å leve i ein annan kultur. Det er berre så synd at det skal vera så vanskeleg å læra framande språk.

Eg kan trygt seia at eg vart eit anna menneske etter desse åra i Korea. Også synet på min eigen bakgrunn blir bryna i konfrontasjonen med ein så ulik kultur og ein ser på seg sjølv og sitt eige land på ein ny måte. Og eg oppdaga i Korea at eg hadde del i ein rik europeisk felleskultur med røter ikkje minst av jødisk, romersk og gresk opphav.

Seinare har eg hatt nye spennande, faglege oppgåver på Taiwan i 1983, i Kenya i 1998 og i Botswana i 2000. Men desse opphalda vart kortare, slik at ein fekk ikkje lært så mykje om folk og land. Men Botswana vart på mange måtar ein ny konfrontasjon med Korea og dei mange ekstremt sjuke og utmagra kroppane vi der strevde med å berge tilbake til livet. Altfor ofte tapte vi slaget også i Korea, men trass alt kunne vi berge dei fleste. I Botswana møtte eg igjen marasme og kwashiorkor, dei ekstremt utmagra og utspridde kroppane som folk kjenner frå hungerskatastrofane i TV. Dei fekk den beste behandling av eit internasjonalt team med

Framhald neste side

Nytt og meldingar frå Breim

Kyrkjelydskveldar i fastetida

Også i vinter ønskjer vi velkomme til samlingar i dei gamle skulekrinsane i Breim.

Underskrivne tek opp eit bibel-tema som høver i fastetida. Og gode hjelparar vil syte for enkel servering. Etter avtale med kontaktpersonar i grendene vert det 3 slike kveldar:

Torsdag 15.03. kl 20.00 i Kandal grendahus.

Onsdag 21.03. kl.20.00 i Sandal grendahus

Framhald frå side 4

dyktige legar og sjukepleiarar, og mange kunne på kort sikt stå over den akutte sjukdommen. Men slaget varapt. Dei aller fleste i den overfylte barnavdelinga hadde HIV-infeksjon som nådelauast innhenta dei. I byen Francistown, der vi budde, hadde 40 % av alle mellom 15 og 49 HIV-smitte og dermed mindre enn 10 år igjen å leva. Ei ufatteleg katastrofe i eit land som elles hadde alle forutsetningar til å vera eit godt land å leva i. Ein opplever ikkje ei slik barneavdeling utan at inntrykka brenn seg fast for livet.

Når eg ser tilbake på desse opphalda som lege i u-land, så slår det meg kor innhaldsrike desse strevsame åra var med faglege utfordringar og oppleving av spennande natur, kulturar og møte med menneske som vart våre gode venner.

Det har vore eit privilegium, akkurat som det i si tid var eit privilegium å vera turnuskandidat hjå dr. Åge Johansen i Gloppe.

Tysdag 27.03. kl.19.30 i Årdal gren dahus. Vel møtt!

H. Forland

Vi treng nye frivillege medarbeidrarar!

Då eg kom til Breim la eg straks merke til den gode ordninga med kyrkjeskyss frå dei mange grendene i bygda. Her har Aslaug Nyland lagt ned eit stort arbeid i mange år med å organisere skyssordninga og skaffe sjáforar. Ho har fått god hjelp av Dagfinn Myklebust med å setje opp lister til preikesøndagane. De har begge gjort ei trufast teneste slik at fleire kan kome seg til kyrkje! Hjarteleg takk skal de ha! No har de meldt frå til

soknerådet at nye må overta oppgåva. Vi treng difor frivillege som kan organisere skyssordninga vidare. Det bør vere minst to som samarbeider om dette. Kven melder seg til teneste?

Også i andre delar av det frivillege diakoniarbeidet trengs det nye krefter. Leiari i diakoninemnda i mange år Kari Kolbotn har meldt soknerådet at ho må be seg friteken frå vervet. Takk for trufast innsats!

Også her treng vi nye frivillege medarbeidrarar. Kven kan vere med og leie arbeidet? Det handlar m.a. om å organisere samlingar på bufellesskapet på Reed og Byrkjelo.

H. Forland

Fotballcup med Jesus i midtsirkelen

Fjord Cup er ei gjenopptaking av den gamle IMI-cupen som sist vart arrangert i 1997. No når dette arrangementet er tatt opp igjen, er det eit samarbeid mellom kyrkja i Gloppe og Normisjon, Sogn og Fjordane. Arrangementet skulle eigentleg gå av stabelen 17.-18. februar, men vart etter därleg påmelding, kolisjon med vinterferie o.a. flytta til 31. mars og 1. april. Turneringa er delt inn i tre grupper: Gr. 1: guitar 9.-10. klasse, gr. 2: guitar over 10. klasse, og gr. C: jenter.

Påmeldinga i dag, pr. 6. februar, er god, og vi har ca. 10 ledige plassar i turneringa. Denne turneringa er meint som ei uhøgtidlig turnering der du kan gå saman med vener, arbeidskollegaer, konfirmantgrupper eller andre og danne eit lag, det skal vere 4 + keeper + 3 innbytarar. Det er berre å melde seg på.


Turneringa vil ha ein klar kristen profil, med innslag som appell i hallen, cupkveld i Arbeidskyrkja og flere andre innslag. Vi håpar at vi med denne turneringa skal få vere med å peike på Jesus og sette Jesus i midtsirkelen.

Vi treng og vaksne som kan vere med i vaktkomité, kioskkomité o.s.v. så her er det berre å melde seg på. Det hadde vore fint om de kunne be for arrangementet, både no i førebuingane og under arrangementet.

Påmelding/info hos ungdomsarbeidar Helge Hafsås, postboks 29, 6821 Sandane, telefon (arbeid) 57 86 56 47, (privat) 57 86 75 75. I hovudkomitéen sit: Oddgeir Leirgul, Roar Henden, frå Normisjon Vegard R. Tennebo og frå kyrkja Helge Hafsås, turneringsleiar.

Helge Hafsås

Fasteaksjonen 2001 Brød for verda



I dette første nummeret av Kyrkjebladet år 2001 har vi som vanleg lagt ved fastebossene. Dei er til bruk i heimen i fastetida. Vi oppmodar folk i kyrkjedane om å nytte bøssene no i fastetida. Ein skulle tru at ein var komne så langt i eit nytt årtusen at det er likskap og rettferd i verda, men veit at det ikkje er tilfelle. Og vi som har det godt, kan vere med å hjelpe andre menneske som ikkje har fått dei same vilkår som vi. Pengane går

til Kirkens Nødhjelp sitt arbeid. I årets fasteaksjon set Kirkens Nødhjelp fokus på arbeidet mot vald i Brasil og ynskjer å hjelpe unge i Brasil til ein ny start. Men Kirkens Nødhjelp driv arbeid i meir enn 60 land og pengane går også til fattige og undertrykte i desse landa.

Årets fasteaksjon vert onsdag før påske, 4. april kl. 17.00. Då kjem konfirmantane på ein dør-til-dør-aksjon rundt i heile prestegjeldet og samlar inn pengar til Kirkens Nødhjelp. Ta vel i mot konfirmantane når dei kjem. Dersom de ikkje er heime når konfirmantane kjem, kan bøssene leverast i kyrkja eller på kyrkjelydkontoret. **MSR.**

Takk for gåver!

Breim kyrkje har nyleg motteke verdi fulle gåver frå anonyme gjevarar.

For kort tid sidan fekk vi overlevert 4 vasar i krystall til kyrkja. Det er to store vasar og to mindre. Dei vil kome til god nytte ved pynting i kyrkja t.d. ved gravferd og vigslar.

Her om dagen fekk vi så melding om å kome til Eikenæs Interbok og hente ei stor kasse med 50 salmebøker til Breim kyrkje. Bøkene er utgåva med grått omslag og stor skrift. Og eg fekk opplyst at gjevaren ville vere anonym. Det vert arbeidd med å få utvida hylleplass til dei nye salmebøkene. No er det godt med salmebøker i kyrkja også dei dagane det er fullsett! Difor er oppfordringa: Kom til gudsteneste - bli med og syng du og!

På vegne av kyrkjelyden vil eg seiie *dei anonyme gjevarane hjarteleg takk!*

H. Forland

Funne i kyrkjene

Gimmestad kyrkje - Det vart funne ei slipsnål utanfor kyrkja 10. desember 2000.

Vereide kyrkje - Det vart funne delar av bunadssølv i dåpssakrestiet 11. juni 2000.

Vend dykk til kyrkjelydkontoret, tlf. 57 86 53 17.

Julegryta

Før jul 2000 var julegryta på sin vande plass framfor Eikenæs-butikken. Pengane som vart lagt i gryta, går til Kirkens Nødhjelp. Resultatet vart denne gongen kr 17.060,50.

Vi rettar ein varm takk til alle dei som gjorde sitt til at vi kunne få eit så godt resultat.

Vereide sokneråd

Fastelavnsfest

Søndag 25. februar hender det. Då vert det fastelavnsfest i Arbeidskyrkja. Det er sokneråda i Vereide og Gimmestad sokn som inviterer til bollefest. Dei som fekk «Mi kyrkjebok» før jul i 2000 i Gimmestad kyrkje og Vereide kyrkje er særskilt inviterte i lag med sysken, forldre og besteforeldre. Denne søndagen er det fastelavnssøndag og difor vert det servert fastelavnsbollar med og utan krem, saft og bollar. Born i Rygg barnehage hjelper oss å lage fastelavnsris til å pynte borda. Vi har lyst å synge litt i lag og leike litt. Festen begynner kl. 16.00. Velkomne skal de vere.

Er det forresten nokon som vart 4 år i 2000 og som ikkje har fått «Mi eiga kyrkjebok»? Då kan de ta turen oppom kyrkjelydkontoret ein onsdag eller fredag, så skal vi ordne det. Telefon 57 86 53 17.

MSR.

Dementi

I julenummeret 2000 skreiv eg at Jóhannes Klungrehaug var tidlegare kommunekasserar i Gløppen. Dette er feil. Den rette nemninga er sjølvsagt kommunerevisor. Vi seier oss leie for feilnemninga.

MSR.

Lopper - auksjonsvarer

Økonominemnda for Arbeidskyrkja minner om at det er bruk for auksjonsvarer og lopper. Vi har god lagerplass, og hentar gjerne varer heime hjá dykk. Ring ein av desse:

Oddlaug Vereide	57 86 54 48
Reidun Eikeseth	57 86 57 03
Marit Henden	57 86 54 10
Anders Gløppestad	57 86 63 51
Olav Bjørn Tystad	57 86 93 50

Nye kontor

Bak koselege småruter i det gamle Henden-bygget finn vi no kontor for kyrkjelydssekretær i Gloppen vegg i vegg med Gloppen gravferdsbyrå sitt kontor.

På kyrkjelydskontoret finn vi Marie S. Rygg, og på det andre Oddlaug Vereide. Ho fortel at ho i fjar såg seg nøydd til å slutte som kyrkjelydssekretær på grunn av helsa, men ønskjer å halde fram som klokkar og tilsett i Gloppen gravferdsbyrå.

- Sit ho på dette kontoret som klokkar?



Kyrkjelydssekretær Marie S. Rygg er på plass i det nye kyrkjelydskontoret i Hendenbygget på Sandane.



Oddlaug Vereide i Gloppen Gravferdsbyrå sine nye lokale i Hendenbygget.

- Nei, det er som tilsett i gravferdsbyrået, men det er som ei kyrkjeleg stilling det også, for det er dei fire sokneråda i Gloppen som ei byrået.

- Det er to tilsette, Johannes Nedrebø og eg, seier Oddlaug. - Då kyrkja starta, var det ikkje noko fast gravferdsbyrå i Gloppen. Kyrkja tok opp dette arbeidet som ein del av kyrkja sitt diakonale ansvar. Ein hadde og von om å få eit overskot på drifta, som kunne gå til anna kyrkjelydsarbeid. Eg har arbeidd i gravferdsbyrået nesten så lenge det har eksistert, og opplevd det svært meiningsfullt. No har vi fått eit fint kontor som ligg sentralt til.

Vegg i vegg ligg det nye kyrkjelydskontoret, og på plass der er Marie S. Rygg. Ho har tidlegare vikariert som kyrkjelydssekretær. Då stillinga så vart lyst ledig, søkte ho og vart tilsett av Gloppen kyrkjelege Fellesråd. Ho er og glad for sitt nye kontor, og understrekar kor viktig det er å vere sentralt plassert.

- Det er ikkje så få som stikk innom kontoret, fortel ho.

- Det å vere kyrkjelydssekretær er ikkje å vere sekretær for prestane, føre kyrkjebøkene eller skrive på diktat. Det er eit allsidig arbeid. Stikkordmessig kan ein seie å koordinere kyrkjelydsarbeid i sokna og elles legge til rette for arbeidet. Eg kjem bort i mykje forskjellig og trivs godt med det.

- Kva utdanning krevst for ei slik stilling?

- Eg har ikkje gått på kyrkjekretærskulen, om det finst noko slik, men eg har nokre fag frå Universitetet i Bergen, psykologi, sosiologi, administrasjon og statistikk, som eg syns eg har god bruk for, i alle fall det siste, ler ho og viftar med kyrkjeleg årsstatistikk for år 2000.

To trivelege kontorlokale har kyrkja i Gloppen fått i Sandane sentrum. Og på desse kan ein treffen to hygglege og serviceinnstilte damer. Berre gå og sjå etter!

O.S.G.

Stemne for 50- og 60-års konfirmantar



*60-års konfirmantar
i Breim sokn*

Framme frå venstre: Gudrun Sandal, Eldbjørg Rye, Anna Frøystad, Klara Jordanger, Margit Rygg, Oddlaug Brueheim, Jorunn Eide, Jenny Myklebust.

Bak frå venstre: Leif Rygg, Torbjørn Myklebust, Agnar Paulen, Aslaug Eik, Harald Forland, Eili Heggdal, Arnstein Aardal, Alf Frøystad, Magnus Jordanger.

Foto: Reed Foto



*60-års konfirmantar i Vereide
og Gimmestad sokn*

Framme frå venstre: Oddrun Instefjord, Maria Skåden, Astrid Alme, Sigfrid Henden, Kjellaug Davik, Halldis Ravnestad, Klara Seime.

Andre rekke frå venstre: Rannveig Hauge, Kjellbjørg Aasen, Solveig Selvik, sokneprest Olaf Sig. Gundersen, Jon Elias Hyenes, Kåre Myklebust, Kristoffer Rye.

Tredje rekke frå venstre: Reidar Maradal, Oddmund Austrheim, Olav Lundestad, Johan Lothe, Erik Vereide.

Foto: Helge Lyslo



50-års konfirmantar i Breim sokn

Framme frå venstre: Berit Johanne Taklo, Kjellaug Egge, Aud Ødegård, Kristen Kleppe Lyslo, Signe Johanne Fossheim.
Bak frå venstre: Olav Felde, Harald Forland, Søren Støyva, Rolf Sæthre.

Foto: Reed Foto



50-års konfirmantar i Hyen sokn

Bak frå venstre: Olaf Sig. Gundersen, Bodvar Rønneklev, Ola J. Eimhjellen, Audun Holme, Norvald Gjengedal. Framme: Norunn (Eimhjellen) Bremstein, Ingrid (Solheim) Pedersen.

Foto: Oddlaug Vereide

50-års konfirmantar

i Vereide og Gimmedstad sokn

Framme frå venstre: Aslaug Gilledal, Aud Samestad, Kjellfrid Lollenzen, Kirsten Hauge, Maria Henden Norbeck, Johanna Hauge Dehli, Ingeborg Heitmann.

Andre rekje frå venstre: Aslaug Lotte, Kari Slettvold, Eldfrid Roset, sokneprest Olaf Sig. Gundersen, Inger Austrheim Grosvik, Marit Ryssdal, Eli Liv Aa, Helge Lyslo.

Bakerst frå venstre: Cornelius Samestad, Steffen Elvebakk, Johan Moritsgård, Einar Hansen, Bjarne Mettenes, Svein Aase, Jon Ommedal, Arvid Sandal.

Foto: Helge Lyslo





FAMILIE NYTT

DØYPTE Vereide

- 4.11. Fredrik Flatjord Fjellestad
Fadrar: Katrine Aske, Kjell Aske,
Solveig Moritsgård, Odd Flatjord.
26.11. Solveig Enerhaug
Fadrar: Harald Aarøen, Joar Hovda,
Grace Egeland.
26.11. Maya Lysholm Daviknes
Fadrar: Marit Elsbutangen, Einar
Eikenæs, Ingeborg Eikenæs.
21.01. Øystein Jevnli Solheim
Fadrar: Liv Marit S. Solheim, Arild
Solheim, Nina Rise, Lars Ståle
Djupegot.
28.01. Andrine Gald Myklebust
Fadrar: Vigdis Ulvedal Gald, Arnt
Gald, Johan Kristian Myklebust,
Davik Gald.

Fjell kyrkje

- 26.11. Ottar Midtkandal Østenstad
Fadrar: Jonny Østenstad, Åsta
Årøen, Hilde Midtkandal Sandvik,
Helge Sandvik, Morten Midtkandal,
Aslaug Østenstad.

Breim

- 22.10. Jonas Jordanger Loen
Fadrar: Kari Jordanger, Nils Jord-
anger, Silje Skåre, Vegard Solheim.
22.10. Ragnhild Olina Solbak Flølo
Fadrar: Karin Flølo, Irene Flølo,
Tore Andreas Solbakk Hatleseth,
Joakim Solbakk Pedersen,
Anja Flølo.
3.12. Esben Fløtre
Fadrar: Anne Bjørg Egge Fjell, Liv
Egge, Tove Flølo, Tom Vidar Skinlo,
Lin Therese Solheim.
3.12. Erik Merkesdal Nedreberg
Fadrar: Grete Olin Nedreberg,
Torhild Merkesdal, Jon M. Gåsemyr,
Mona Merkesdal Hole,
Magnar Hole.
25.12. Andrè Raad Merkesdal
Fadrar: Roger Raad, Solgunn Flølo,
Evy Merkesdal Flølo, Arve Flølo

- 31.12. Thomas Myklebust Kvile
Fadrar: Tanja Myklebust, Jarle
Kirketeig, Iselin Myklebust, Børge
Kvile, Elbjørg Kvile.
31.12. Maria Natås Hazel
Fadrar: Roger Andre Natås, Tove
Merete Natås, Sven Torbjørn Hertz-
berg, Julia Anne Charles,
John Mac Arthur.
28.01. Vebjørn Sundal Førde
Fadrar: Silje Laugsand, Margit
Andrea Støyva, Ragna Førde,
Per Førde, Nils Bjarte Førde.

Gimmestad

- 10.12. Villemo Klausen
Fadrar: Marit Fure, Kjell Fure,
Kjetil Fure, Karoline Klausen.
10.12. Solveid Laukeland Djupegot
Fadrar: Vilvia-Reneé Lislelid, Svein-
Rune Djupegot, Marianne Senne-
seth, Bente Jevnli, Vidar Solheim.
26.12. Johanne Oliva Vik Gloppestad
Fadrar: Bodil Vik, Synnøve Johanne
Nikkoline Lødemel, Ann-Kristin
Fløtre, Terje Fløtre, Solveig Gimme-
stad, Sjur Gimmestad.
26.12. Eirik Skrede
Fadrar: Nina Myhrer Røire, Johan
nes Skeide, Ingrid Skeide, Martha
Eide, Maren Eide.
14.01. Maria Aleksandra Fitje
Fadrar: Inga Moritsgård, Bjørn Tore
Østvang, Berit Hansen, Marit
Mjellem, Odd Godal.

Hyen

- 12.11. Sondre Rosvoll Solheim
Fadrar: Linda Kristin Solheim,
Finn Terje Solheim, Randi Marie
Eimhjellen, Frode Rosvoll, Hege
Rosvoll.
12.11. Håvard Helge Pedersen
Fadrar: Liv Ingrid Vonen, Odd
Vonen, Helge Heimseter, Århild
Underlid.

JORDFESTE Vereide

- 24.11. Nils Andreas Eimhjellen f. 27.04.01
10.11. Oddny Evebø f. 15.11.21
12.11. Ragnfrid Eide f. 22.11.22
26.11. Synnøve Helga Bolset f. 04.03.13

- 27.11. Modulf Vereide f. 05.04.07
04.12. Reinhard Wilhelm Zerwekh f. 06.10.24
22.12. Anna Johanne Austrheim f. 06.08.19
01.01. Synnøve Ødven f. 04.07.17
02.01. Alvhild Kjellfrid Lyslo f. 30.08.13
12.01. Klara Oddveig Eikenes f. 05.05.56
22.01. Ester Ommedal f. 20.03.05
28.01. Rannveig Tystad f. 28.06.16

Gimmestad

- 17.11. Inger Eline Rygg f. 22.12.18
09.12. Ingeborg Margrete Grov f. 03.09.12
17.12. Magnar Jon Rygg f. 21.09.48
18.12. Karl Magnus Sande f. 08.01.13

Breim

- 22.11. Bernhard Sårheim f. 22.11.19
05.12. Olav Andreas Teita f. 02.04.26
08.12. Olga Bogstad f. 16.10.11
19.12. Jenny f. 22.11.00
25.01. Rolf Nyvoll f. 06.05.23
02.02. Birgit Atking f. 21.03.22
06.02. Anna Olava Støyva f. 30.12.04

Hyen

- 02.01. Norfinn Eimhjellen f. 23.11.31

Takk

Vereide kyrkjekor har motteke kr 2.000 frå ein anonym gjevar. Hjartelag takk for gåva.

Minnegåve

Hjartelag takk for minnegåve på kr 3.500,- til Det Norske Misjonsselskap i høve Ester Ommedal si gravferd.

Minnegåve

Hjartelag takk for minnegåve på kr 5.000,- til Arbeidskyrkja i Mona i høve Maria Devik si gravferd.

For styret
Olaf Sig. Gunderson

GLOPPEN GRAVFERDSBYRÅ

Kyrkjelydane i Vereide, Breim
og Hyen eit og driv byrået.

Kontor i Hendenbygget, 2. etasje,
tlf. 57 86 57 70. Mobil tlf. 917 20 420

Tilsette:

Johannes Nedrebø, tlf. 57 86 93 86.

Mobil tlf. 970 34 378.

Oddlaug Vereide, tlf. 57 86 54 48.

KYRKJEBLAD FOR GLOPPEN PRESTEGJELD

Utgjeve av sokneråda i Vereide,
Breim, Gimmestad og Hyen.

Kjem ut 10 gonger i året
på Sandane. Betaling etter
ønskje.

Redaksjonen:

Marie Sælensminde Rygg,
Jorunn Eide, Oddlaug Vereide,
Ola Jan Birkeland, Kåre Holvik,
sokneprest Olaf Sigurd
Gundersen, kapellan Harald
Forland.

Kyrkjebladssekretær:
Marie Sælensminde Rygg.

Layout:
Anders Rinde.

Kasserar:

Johs. Klungrehaug,
6823 Sandane
Postgiro 0804 3416872.

GLOPPEN PRESTEGJELD

Sokneprest

Olaf Sigurd Gundersen,
Vereide, 6823 Sandane. Tlf. 57 86 93
85. Mobil 951 36 059.
Prestekontoret er ope heile veka.

Kapellan Harald Forland

Hovden, 6826 Breim
Tlf. 57 86 82 20.
Mobil: 917 77 473
Fast kontortid:
Tysdag kl. 09.00–11.00
Onsdag kl. 16.30–18.00.
Elles trefftid etter avtale.
Måndag er fredag.

Prostiprest Asbjørn Gjengedal

Porsvegen 1, Sandane.
Tlf. 57 86 66 78.
Mobiltelefon 901 73 631

Kyrkjelydsekretær:

Marie Sælensminde Rygg.
Postboks 272, 6821 Sandane
Kyrkjelydkontoret 57 86 53 17.
Mobil tlf. 995 48 812
(Hendenbygget). Kontortid:
Onsdag 9–14, fredag 9–13.

Soknediakon:

Inger Johanne Grini.
Pb. 258, 6821 Sandane
Kontor i Arbeidskyrkja.
Tlf. 57 86 65 27.
Kontortid: Torsdag 12.00–16.00
Onsdag 14.30–17.00.
Tlf. privat: 57 86 26 30.

Ungdomsarbeidar:

Helge Hafslås
Kontortid måndag 8.00 - 15.30.
Telefon: 57 86 56 47 (a)
57 86 75 75 (p)
Mobil tlf.: 997 64 216.

Kyrkjeverje:

Oddbjørn Almenning
Kontortid i Arbeidskyrkja
kl. 08.00–15.00.
Tlf. kontor: 57 86 56 16.
Mobil: 959 72 140
Fax: 57 86 56 47.

GLOPPEN PRESTEGJELD

VEREIDE SOKN

Klokkar: Oddlaug Vereide,
tlf. 57 86 54 48.
Formann i soknerådet:
Maria Lundestad, tlf. 57 86 54 19.
Organist: Anders Rinde,
tlf. 57 86 93 01.
Vereide kyrkje, tlf. 57 86 93 06.
Kyrkjeterar: Bård Vereide
tlf. 57 86 93 24, mobil 905 16 379
Gravar: Ivar Hjelle, tlf. 57 86 58 59.

BREIM SOKN

Klokkar: Maria Seim,
tlf. 57 86 81 87
Formann i soknerådet:
Norvald Gjengedal,
tlf. 57 86 81 76
Kyrkjeterar: Anders Bjørnereim,
tlf. 57 86 74 22.
Organist: Anders Rinde,
tlf. 57 86 93 01.
Kyrkjegardsarbeidar: Jon Gåsemyr,
tlf. 57 86 71 28.
Gravar: Ivar Hjelle, tlf. 57 86 58 59.

GIMMESTAD SOKN

Klokkar: Arne Jostein Gimmestad
tlf. 57 86 78 73.
Organist: Per Mardal, tlf. 57 86 58 89.
Formann i soknerådet: Marie Sælensminde Rygg, tlf. 57 86 77 15.
Kyrkjeterar: Inghild Bakketun,
tlf. 57 86 57 14.
Kyrkjegardsarbeidar: Kjell Mardal,
tlf. 57 86 57 12.

HYEN SOKN

Klokkar: Martin Ø. Ommedal,
tlf. 57 86 90 37.
Organist: Sivert Aa, tlf. 57 86 98 56.
Kyrkjeterar: Jakob Holmestrand,
tlf. 57 86 98 48.
Formann i soknerådet:
Borgny Haug Aa, tlf. 57 86 98 56.

Vi møtest i kyrkjå

			Lat oss ikke halde oss borte når kyrkjelyden vår samlast, som somme plar gjera, men lat oss setja mot i kvarandre.» (Hebr. 10)
18.2.	Kr. forklæringsdag Matt. 17, 1-9.	kl. 11.00 VEREIDE	Familiegudsteneste. Harald Forland. Offer: Kyrkjelydsarbeidet. Vereide kyrkjekor.
25.2.	Fastelavnssøndag Luk. 18, 31-43.	kl. 11.00 HYEN	Høgmesse. Olaf Sig. Gundersen. Nattverd. Offer: KRIK.
28.2.	Askeonsdag Matt. 6, 6-18.	kl. 20.00 VEREIDE kl. 20.00 BREIM	Fastegudsteneste. Olaf Sig. Gundersen. Nattverd. Skriftemål. Fastegudsteneste. Harald Forland. Nattverd. Skriftemål.
2.3.	Fredag Jes. 1,13-18.	kl. 20.00 ARBEIDSKYRKJA	Ungdomsgudsteneste. Harald Forland. Nattverd. Samarbeid med Fakkelen og Concordia. Offer: Concordia/Fakkelen.
4.3.	1. s. i faste Matt. 4, 1-11.	kl. 11.00 GIMMESTAD kl. 11.00 BREIM	Høgmesse. Olaf Sig. Gundersen. Nattverd. Høgmesse. Harald Forland. Nattverd. Offer: Fjordly Omsorg- og Retreat-senter. Kyrkjelydens årsmøte etter gudstenesta.
11.3.	2. s. i faste Matt. 15, 21-28	kl. 11.00 VEREIDE kl. 11.00 HYEN kl. 20.00 VEREIDE	Høgmesse. Ashbjørn Gjengedal. Nattverd. Offer: Nordfjord Folkehøgskule Høgmesse. Olaf Sig. Gundersen. Offer: Kyrkjelydsarbeidet. Kyrkjelydens årsmøte etter gudstenesta. Konsert. Songar av diktarpresten Claus Frimann. Elin Grytting m.fl.
18.3.	3. s. i faste Luk. 11, 14-28	kl. 11.00 VEREIDE kl. 12.00 NES HOLMEN	Høgmesse. Harald Forland. Nattverd. Gudsteneste. Ida Etnestad. Nattverd.
25.3.	Maria Bodskapsdag Luk. 1, 26-38	kl. 11.00 BREIM kl. 11.00 GIMMESTAD kl. 20.00 ARBEIDSKYRKJA	Høgmesse. Olaf Sig. Gundersen. Nattverd. Høgmesse. Harald Forland. Nattverd. Offer: Søndagsskulane i Gloppe. Thomasmesse. Harald Forland og Helge Hafssås. Nattverd. Joy Sing. Ungdom tek del.
1.4.	5. s. i faste 1. Mos. 22, 1-13	kl. 11.00 HYEN kl. 19.00 VEREIDE	Høgmesse. Harald Forland. Nattverd. Skriftemål. Konsert ved Gloppe Jentekor. Pergolesi: Stabat Mater.
6.4.	Fredag	kl. 16.00 Gloppe Sjukeheim	Nattverdsgudsteneste. Harald Forland.
8.4.	Palmesøndag Joh. 12, 1-13	kl. 11.00 VEREIDE kl. 11.00 BREIM kl. 20.00 VEREIDE	Familiegudsteneste. Olaf Sig. Gundersen. Offer: IKO-arbeidet. Song av Sandane barnegospel. Familiegudsteneste. Harald Forland. Offer: IKO. Gallerikveld. Kyrkja og Gloppe Kunstlag.